

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 14. Juni 2021

Här President,

sou wéi d'Chambersreglement et virgesäit, bieden ech Iech, dës parlamentaresch Fro un d'Madamm
Gesondheitsminister an un den Här Landwirtschaftsminister weiderzeleeden.

D'Zeitung "De Lëtzebuerger Bauer" huet rezent eng franséisch Etüd zitéiert, no där sech a
Frankräich am Schnëtt all zweeten Dag e Bauer d'Liewen hält. Als Grënn fir dës dramatesch
Entwécklung ginn ë.a. déi ongewëss Zukunftsperspektiven ugefouert.

An deem Kontext hätt ech folgend Froen un d'Regierung:

1. Huet d'Regierung Donnéeë virleien, déi Réckschlëss op beruffsbedéngte Krankheeten
– sief dat psychescher oder physescher Natur – an de landwirtschaftleche Beruffer
erméiglechen? Wa jo, wat fir eng Erkenntnisser zitt d'Regierung an deem Kontext?
Gëtt et eng Opfällegkeet, datt et grad an de landwirtschaftleche Beruffer besonnesch
dacks zu beruffsbedéngte Krankheete kënnt?
2. Huet d'Regierung méi allgemeng Donnéeë virleien, déi Réckschlëss dorop
erméiglechen, wéi eng Berufsgruppe besonnesch dacks grad och vu psychesche
Krankheeten oder Depressiounen betraff sinn?
3. Am Fall, wo nach keng esou Donnéeë virleien, wär d'Regierung bereet eng Etüd an
Opdrag ze ginn, wéi eng Berufsgruppe besonnesch dacks grad och vu
psychesche Krankheeten oder Depressiounen betraff sinn an, am Hibleck op
d'Situatioun am Ausland, dobäi och d'Landwirtschaft besonnesch ze
berécksiichtegen?

Mat déiwem Respekt,



Jeff Engelen
Deputéierten